



Broj: 02-11-1950/21-AP-19
Datum: 15.10.2021. godine

Na osnovu člana 64 stav 1. tačka b). Člana 70. Stav 1.. 3. i 6. u vezi sa članom 72.stav 3. tačka d) Zakona o javnim nabavkama („Službeni glasnik BiH“, broj: 39/14), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Općine Zavidovići“, broj: 4/2021 i 5/2021) i člana 39. Statuta općine Zavidovići («Službeni glasnik općine Zavidovići», broj: 5 /2008, 5a / 2008 i 11/2019), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci radova „Javna nabavka radova- uređenje infrastrukture ispred džamije u Stipovićima- I faza“, Općinski načelnik donosi

ODLUKU

Član 1.

Poništava se Odluka o izboru najpovoljnijeg ponuđača broj: 02-11-1950/21-AP-9 od 07.09.2021. godine iz razloga što je izabrani ponuđač „Dobojputevi“ d.d Doboj Jug u ostavljenom roku nije dostavio traženu dokumentaciju (Bankovnu garanciju u skladu sa članom 10. Ugovora za uredno izvršenje posla).

Član 2.

Prihvata se preporuka Komisije za javne nabavke, te se Ugovor o izvođenju radova na uređenju infrastrukture ispred džamije u Stipovićima – I faza dodjeljuje drugorangiranom ponuđaču „Hajdić“ d.o.o. Maglaj koji je dostavio ponudu 64/21 od 27.08.2021. godine u postupku dodjele ugovora o javnoj nabavci radova „Javna nabavka radova- uređenje infrastrukture ispred džamije u Stipovićima- I faza“ broj 02-11-1950/21-AP-4 u kojoj je nakon e-aukcije ponuđena ukupna cijena od 18.000, 00 KM bez PDV-a.

Član 3.

Izabrani ponuđač ima obavezu dostavljanja dokumentacije propisane tenderskom dokumentacijom (u originalu ili ovjerenj kopiji) u roku 5 (pet) dana od dana prijema Odluke.

Član 4.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. Stav2. Zakona o javnim nabavkama.

Član 5.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav 6. Zakona o javnim nabavkama.

Član 6.

Ova odluka stupa na snagu danom donošenja.

O b r a z l o ž e n j e

Odlukom Općinskog načelnika broj 02-11-1950/21-AP-3 od 10.08.2021. godine pokrenut je postupak dodjele ugovora za javnu nabavku radova „Javna nabavka radova- uređenje infrastrukture ispred džamije u Stipovićima- I faza“, putem konkurentskog zahtjeva za dostavu ponuda za koji je dana, 11.08.2021.godine upućeno Obavještenje o nabavci radova „Javna nabavka radova- uređenje infrastrukture ispred džamije u Stipovićima“ broj: 1374-7-3-106-3-33/21 na objavu u Informativni sistem „E-nabavke“.

Na adresu Općine Zavidovići do krajnjeg roka za dostavu ponuda 27.08.2021. godine do 12,00 sati dostavljeno je 4 (četiri) ponude, i to sljedećih ponuđača:1. „Geo put“ d.o.o. Maglaj, 2. „Hajdić“ d.o.o. Maglaj, 3.„Porobić“ d.o.o. Zavidovići i „Dobojputevi“ d.d. Doboj Jug.

Komisija za javne nabavke za provođenje postupaka javnih nabavki roba, usluga i radova Općine Zavidovići je zaprimila pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće: da su ukupno pristigle četiri ponude, da su blagovremeno zaprimljene četiri ponude, da nije bilo ponuda koje su odbačene kao neuredne u skladu sa članom 68. Zakona o javnim nabavkama.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalifikovanosti ponuđača te ocijenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije, koji je proveden dana, 06.09.2021. godine, a na osnovu Izvještaja o toku i završetku e-aukcije broj 1374-7-3-106/21, Komisija za javnu nabavku za provođenje postupaka javnih nabavki roba, usluga i radova Općine Zavidovići dostavila je Zapisnik o pregledu i ocjeni ponuda broj: 02-11-1950/21-AP-16 od 07.09.2021. godine u kojem je izvršila rangiranje ponuđača kako slijedi:

Rb	Naziv/ime ponuđača	Ponuđena cijena bez PDV-a
1.	DOBOJ PUTEVI d.d. Doboj Jug	17.981,00
2.	HAJDIĆ d.o.o. Maglaj	18.000,00
3.	GEO-PUT d.o.o. Maglaj	18.350,00
4.	PROBIĆ d.o.o. Zavidovići	20.649,95

Ugovorni organ je dana, 07.09.2021. godine donio Odluku broj 02-11-1950/21-AP-9 od 07.09.2021. godine kojom je kao najpovoljnijeg ponuđača odabrao ponudu ponuđača „Doboj putevi“ d.d. Doboj jug. Istekom žalbenog roka ugovorni organ je sačinio prijedlog Ugovora o izvođenju radova na uređenju infrastrukture ispred Džamije u Stipovićima –I faza: broj 02-11-1950/21-AP-12 od 24.09.2021. godine kojeg je izabrani ponuđač potpisao 27.09.2021. godine. Članom 10. Ugovora predviđeno je da se bankovna garancija za uredno izvršenje ugovora bezuslovnog tipa iznosi od 10% od ugovorene vrijednosti radova i da se ista obezbijedi i dostavi u roku od 15 (petnaest) dana od dana zaključivanja ugovora. U slučaju da izabrani ponuđač ne dostavi garanciju za uredno izvršenje ugovora u naznačenom roku, zaključeni ugovor se smatra apsolutno ništaviim.

Kako je rok za dostavu garancije istekao zaključno sa 12.10.2021. godine, a izabrani ponuđač nije dostavio propisanu dokumentaciju, to nije postupio u skladu sa uslovima iz Tenderske dokumentacije.

Shodno članu 72.stav 3. Zakona o javnim nabavkama ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača kada ponuđač propusti da dostavi garanciju za uredno izvršenje

ugovora, zbog čega je odlučeno kao u dispozitivu, te je ugovor dodijeljen drugorangiranom ponuđaču „Hajdić“ d.o.o Maglaj.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.


Dostavljeno:

1. Učesnici u postupku
2. U spis

PO OVLAŠTENJU OPĆINSKOG
NAČELNIKA broj 02-05-4/17-AP-73

od 03.10.2017.godine
SEKRETAR OPĆINSKOG
ORGANA DRŽAVNE SLUŽBE


Nermin Čahtarević, dipl.pravnik



Obradio/la:


(Sanela Muahasanović)

Kontrolisao:


(Nermin Čahtarević)